

華東師範大學圖書館藏

稀

見

叢

書

匯

刊

黃秀文 吳平◎主編

北京圖書館出版社



黃秀文 吳平◎主編

北京圖書館出版社

華東師範大學圖書館藏

稀

見

叢

書

匯

刊

7

第七冊目錄

《皇清百名家詩》八十九卷之卷八十七至卷八十九	一
《宋氏全集·西陂類稿》五十卷之卷首至卷八	一一五

小引

魏子曰南菴余閩莆人以儒入禪其爲禪也深矣余侍夢筆浪杖人香茗之暇每爲余哆洞下老宿如竺菴石潮爲霖觀濤皆嘖嘖許其入室于南公尤篤愛之故余知之最久一晤檀度便締好如數十年交惠余閱吹堂全集奉爲龜鑑喜其格調匪常詞章持達間以其悟後定靜散見于山水友朋以自寄其神農虞夏之慨不獨以意發題先神含題外者自見其聰明已也近

兒敬修自淮上來携南公新篇并其高足千指
客塵天根童求首嚴諸詩漸次光余是選首千
南公拔其尤焉

百名家詩選

福清魏

憲惟度輯選

福寧陳

渡秋庵

山陽陸求可密庵

叅

邗江宗元鼎定九

白下張

惣南村

釋大依

字南菴古關人

宿弘濟

燕子磯邊寺因巖結一堂依潮安短夢分石下
胡床松影搖衾綠月痕過樹涼濤聲千載上何
以竟茫茫

種柳詩寄童求

經營方丈地插柳護疎籬弱質當春月低窓在
雨時枝防送客盡庭待種花遲鏟却階前蕙斯
情君獨知

黃大宗招集止園雨中看梅全張虞山杜
洲草

名園戴雨踏蒼苔爲有汪洋叔度才烟色不隨
春水去風光偏向小山開王孫使我思芳草玉
笛催人怨落梅幾片娟娟軒外影參差照客上

高臺

送杜湘草北遊

裝束新詩迥遠程君家水部本高名江干却畏
停車問燕市聊爲策杖行襍被薰風迎客路霜
砧明月賦秋聲臨岐且宿河邊寺明日雲山萬
里情

寄懷焦山古樵法侄

閒情正對別峯頭一病朝分瓜渚舟亂葦片帆
雲渺渺空江冷雨客悠悠竹風自嘯魚龍夜山

月難尋烟水秋最喜吾宗多意氣
法幢長湧海雲樓

寄懷顧茂倫

元嘆吳中本盛名丹鉛一室閉柴荆
著書直待青松老爲客常愁芳草生
野水雪灘高釣艇春風藜杖出江城
相逢猶憶華嚴寺細雨曾聽屢齒聲

寄懷張南邨

建業詞人幽事賒向來郭外愛君家
竹床布被

留松閣石路柴門對雨花白髮誰憐貧采藥青
門自許老栽瓜蕭然欲向長干問未必春風在
絳紗

許白嶼招集齋頭

蘆籬秋色足幽尋玄度相邀委巷深滿目黃河
歸雁影一庭芳草故人心佩窓書帙生雲氣落
日茶香對竹陰只是入山情最好還移蓮補到
東林

蔣虎臣太史見過

世外蔣居士原從翰苑來衣冠全道義論說少
塵埃石上因緣舊河邊樓閣開臨岐情不盡春
色滿蒿萊

全陸逃夫送王任公北歸次任公韻

六月疲驢沙路難低回荒殿遶頽闌驚人晚續
澄江句鳴磬朝辭野寺餐斜日欲沉風乍起行
囊自束柳將殘何時全踐東湖紉千樹堤邊香
色寬

逃夫有百年產
業梨千樹之句

淮徐弔古

淮泗曾塵楚漢軍
呂梁東下氣如雲
山從下相高低斷
水入黃河清濁分
蔓草釣臺存冷月
夕陽荷鋪瘞沉醺
常思漂母當年飯
欲薦荒祠白采芹

河決有感送千指南行

秋入河流濁浪黃
侵田倒屋送淒涼
老懷不問歸何地
荒草于今漸有霜
江艇汝行榆柳外
石城鳬亂水雲鄉
淮南桂樹還招隱
將學劉安雞犬行

祝盧衷愫明府八袞

蒼然石骨立河邊名士風流八十年無事看花
隨竹杖有時搔首問青天盈庭寶樹堪相慰進
履陰符莫漫傳肯向虎溪分一笑南宗本是盧
家禪

金陵諸人士以長干寺見邀詩以謝之

細數遷移歲月頻行囊却笑老隨身棲霞松下
眠三載浮玉江心話幾人即使未能飛白日想
應終不入紅塵長干何事徵書至已卸閒名是

隱淪

寄周櫟園方伯

方伯芳聲播百蠻近傳南國一官閒
新詩滿案蒲鞭後退食長宵桃葉間
叔子自然留片石蒼生未許老東山
他時一衲歌姬院乞遍秦淮第幾灣

沐陽與童求夜話時童求將有夢筆之行
曾中恠石起寒更逢汝聞山又遠行天下幾人
憐我老河邊一夜欲心傾霜風衣冷松陰淨土

屋燈殘月色盈却悔無繭投保社全家水雪送閒名

王家營

出門便是遠遊程瓢笠投人費所營土銕蔬盤新弟子繩床草薦舊河聲幾行有樹舟難定五里無家鉢亦輕回首半生膚髮盡何曾放下世閒名

老官亭

老官亭下暫淹留極樂庵中坐小樓獨對孤燈

看穩夢還疑連夜泛虛舟霜風柳岸魚鹽市烟
月人家蘆荻洲自笑白頭甘巷陌沿門敢爲一
身謀

枯樹舖

江天遙見一舟無潦倒平原樹半枯麥粥尚能
尋破院朝饑未許哭窮途斜陽鴉返河聲急積
雪人行邨鎮孤莫怪冷風愁杖屨荒雲遠近閉
孤蘆

鍾山

頭白江南不忍歸琵琶街上夢依依寺存前代
僧應少山到斜陽樹已非江水幾年沉鐵鎖孝
陵千里拜緇衣茫茫白日高天下獨見荒原數
鳥飛

杜子濂大參過山中值予他出寄之

節麾高擁出幽尋歸覓風流在遠岑一郡新詩
傳水部羣山紅葉見秋心花間退食官偏靜廳
事焚香月每深莫怪山僧忘應接蒼茫泉石總
知音